

# Silaannakkut angallanneq pillugu inatsimmut inatsisit allannguutaat Kalaallit Nunaanni atulersitaanissaannik peqqussut aamma silaannakkut angallatit pillugit pisinnaatitaaffiit nalunaarsorneqartarnissaannik inatsit

UAGUT, MARGRETHE AAPPAT, Guutip saammaassineratigut Danmarkip Dronningia, nalunaarpugut:

Silaannakkut angallanneq pillugu inatsisip allanngortinneqarneranik inatsimmi nr. 470-mi § 3, 18. maj 2011-meersoq<sup>1)</sup>, silaannakkut angallanneq pillugu inatsisip allanngortinneqarneranik inatsimmi nr. 654-mi § 3, 12. juni 2013-meersoq<sup>2)</sup>, silaannakkut angallanneq pillugu inatsisip allanngortinneqarneranik inatsimmi nr. 655-mi § 4, 12. juni 2013-meersoq aamma silaannakkut angallassissutitut pisinnaatitaaffiit nalunaarsugaanerat pillugu inatsit, aamma silaannakkut angallannerup tv-kkut alapernaarsorneqarnera pillugu inatsisip allanngortinneqarneranik inatsimmi nr. 602-mi § 3, 4. juni 2016-meersoq, timersornikkut aaqqissuussani aalajangersimasuni isumannaallisaaneq pillugu inatsit, neriniartarfiuteqarneq imigassallersinnaanermullu il.il. akuersissutit pillugit inatsit aamma inatsisit assiginningsut allat, naapertorlugit aalajangersarneqarpoq:

## § 1

Kalaallit Nunaanni silaannakkut angallanneq pillugu inatsit, inatsimmik nalunaarutikkut nr. 408, 11. september 1985-mi atulersinneqartumi taamatullu inatsisikkut nr. 117, 11. marts 1987-mi allanngortinneqartumi, inatsimmi nr. 429, 13. juni 1990-mi, inatsimmi nr. 837, 18. december 1991-mi, inatsimmi nr. 1087, 23. december 1992-mi, inatsimmi nr. 328, 14. maj 1997-mi, inatsimmi nr. 1114, 29. december 1997-mi, inatsimmi nr. 346, 17. maj 2000-mi, inatsimmi nr. 340, 16. maj 2001-mi, inatsimmi nr. 1074, 17. december 2002-mi, inatsimmi nr. 323, 5. maj 2004-meersumi § 2, inatsimmi nr. 475, 9. juni 2004-mi, inatsimmi nr. 278, 20. april 2005-mi aamma inatsimmi nr. 242, 21. marts 2007-mi taaneqartut makkuninnga allannguuteqassapput:

1. Inatsisip ilaani tamani ”Statens Luftfartsvæsen”, ”luftfartsvæsenet” aamma ”Luftfartsvæsenet” allanngortinneqassapput, imaalillugit: ”Angallassinermik Aqutsisoqarfik”.

2. § 2, imm. 2-mi ”c)-p ataani” imaalissaaq: imm. 1-imi, litra c,”

3. § 13-mi imm. 4-tut ivertinneqassaaq:

”Imm. 4. Silaannakkut angallassissut nalunaarsuiffimmit peerneqarsinnaavoq, piginnittut allanngornerannik nalunaarutiginninneq nalunaarsorneqarsinnaanngippat, nalunaarsorneqarnissamik noqqaaneq, silaannakkut angallassissutip pigilerneranik uppernarsaat imaluunniit § 7 naapertorlugu piumasaaqatit eqqortinneqarneranik nalunaaru teqarnissaq nalunaarsuinissamik oqartussaasunut saqqummiunneqarsimannginnerat pissutigalugu, piginnittuulertorlu oqartussaasut piffissaliussaata eqqornagu tamanna naammassisimanngippagu.

4. § 20, imm. 3-mi ” § 2 c)” imaalissaaq: ”§ 2, imm. 1, litra c”.

5. § 21, imm. 2-mi ”§ 2 b) imaalissaaq: ”§ 2, imm. 1, litra b”.

6. § 21, imm. 3-mi ”§ 2 c) ” imaalissaaq: ”§ 2, imm. 1, litra c”.

7. § 26-mi, imm. 3, imatut allanngussaaq ”c)-p ataani” imaalillugu: ”imm. 1-imi, litra c,” aamma ”d)-p ataani” imaalillugu allanngussaaq: ”imm. 1-imi, litra d,”.

8. § 40 c-mi ”1-4” imatut allanngussaaq: ”1-9”.

9. § 40 d, imm. 1-imi, aamma § 40 e, imm. 1-imi ”5” imaalissaaq: ”10”.

10. § 40 d, imm. 1-imi ”isumannaallisaanermi sinniissuusooq” imaalissaaq: ”sulinermi avatangiisinut tungasuni sinniisooq”.

11. § 40 d, imm. 2-mi ”isumannaallisaanermi sinniissuusooq” imaalissaaq: ”sulinermik avatangiisinut tungasuni sinniissuusooq”.

12. § 40 d, 2-4-mi ”isumannaallisaanermi sinniissuusooq imaalissaaq: sulinermi avatangiisinut tungasuni sinniisooq”.

13. § 40 d, imm. 5-imi ”Isumannaallisaanermi sinniissuusooq” imaalissaaq: Sulinermi avatangiisinut tungasuni sinniisooq.

14. § 40 d, imm. 1-imi ”isumannaallisaaneq pillugu Ataatsimiititaliaq” imaalissaaq: Sulinermi avatangiisit pillugit suleqatigiiffik”.

15. § 40 e, imm. 2, imm. 1, imm. 3 aamma 4-mi ”Isumannaallisaanermut ataatsimiititaliaq” imaalissaaq: ”Sulinermi avatangiisinut suleqatigiiffik”.

16. § 40 e, imm. 2, imm. 1, § 40 f-mi oqaaseqatigiit siulliat aamma § 40 g, imm. 2 -mi ”Isumannaallisaanermi sinniissuusooq” imaalissaaq: ”Sulinermi avatangiisinut tungasuni sinniissuusooq”.

17. § 40 e, imm. 2-mi oqaaseqatigiit aappaanni ”Isumannaallisaanermi ataatsimiititaliaq ataaseq” imaalissaaq: Sulinermi avatangiisinut tungasuni suleqatigiiffik”.

18. § 40 f-mi oqaaseqatigiit siullianni ”isumannaallisaanermi ataatsimiititaliat” imaalissaaq: ”Sulinermi avatangiisinut tungasuni suleqatigiiffik”.

19. § 40 g, imm. 2-mi ”isumannaallisaanermi ataatsimiititaliat” imaalissaaq: Sulinermi avatangiisit pillugit suleqatigiiffiit” aamma ”ataatsimiititaliat” imaalissaaq: ”Sulinermi avatangiisit pillugit suleqatigiiffiit”.

20. § 62-imi imm. 2-tut ivertissaaq:

”Imm. 2. Mittarfinnut, tamaginnut atorneqaqqusaanngitsunut kisianni inuiaqatigiinnut pingaaruteqartunut, minniarneq matuma kinguliini malittarisassat naapertorlugit isumannaarneqassapput, immikkulli ittutugit ministerip peqqusineratigut malinneqarsinnaassanatik.

21. § 89 b, imm. 1-imi”timmisartukkut ajutoorneq imaluunniit”-ip kingorna ivertinneqassaaq ”annertuumik”.

22. § 90, imm. 1, nr. 3-mi ”timmisartukkut angallassissummik Danmarkimiit Danmarkimullu kingoqqivimmit” imaalissaaq: timmisartukkut angallassissummik Danmarkip allallu akornanni

23. § 90 a, imm. 2-mi ”Danmarkimut Danmarkimiillu silaannakkut angallassissummik” imaalissaaq: silaannakkut angallassissutinik Danmarkip allallu akornanni”.

24. § 111, imm. 1 aamma 2,- mi ”100.000 ” imaalissaaq: ”113.000”.

25. § 111, imm. 3-mi ” 4.150” imaalissaaq: ”4.694”.

26. § 111, imm. 4-mi ”1.000” imaalissaaq: ”1.131”.

27. § 111, imm. 5-imi ” 17” imaalissaaq: ”19”

28. Kapitali 9-p kingornani ivertissaaq:

”Kapitali 9 a

*Dronenik minnerusunik nakkutiginneq*

*Nassuiaat*

§126 b. Drone paasisassaavoq tassaasoq timmisartooq inuttaqanngitsoq.

Imm. 2. Dronetut minnerusutut paasisassaavoq timmisartooq inuttaqanngitsoq,

imm. 3 malillugu oqimaassusissamik killigitap qullasinneraata iluanittoq.

*Imm. 3.* Transport- aamma bygningsministerip aalajangersassavai drone-mik minnerusumik paasinninnermut oqimaassusissaq qaffasinner-paaq pillugu aalajangersakkat erseqqinnerusut

*Imm. 4.* Transport- aamma bygningsministerip aalajangersarsinnaavai aalajangersakkat oqimaassusissatut killiliussap erseqqinnerusumik aalajangersakkap iluani tamakküsumik ilaannakortumilluunniit inatsimmi matuminnga uniuissinnaasut.

#### *Timmisartumik atuinermut aalajangersakkat*

**§126 c.** Dronenik minnerusunik ingerlatsineq ingerlanneqassaaq inuit allat inuunerat pigisaallu navianartorsiortinneqaratik allatullunniit ajoquserneqaratik.

*Imm. 2.* Dronenik minnerusunik ingerlatsineq pissaaq taamaallaat timmisartortitsineri isumannaallisaanermi sumiiffiit pingaarluinnartut aamma pinngortitami sumiiffiit immikkut mianerisariallit avataanni, imaassimangippat imm. 4 aamma 5-imi aammalu §126 i-mi aalajangersakkat malillugit aalajangersagaqarpat.

*Imm. 3.* Transport-aamma bygningsministerip timmisartunik ingerlatsinerimut aalajangersakkat erseqqinnerusut aalajangersartassavai.

*Imm. 4.* Transport- aamma bygningsministerip timmisartortitsineri sumiiffiit pingaarluinnartut aamma sumiiffiit pinngortitami immikkut mianerisariallit qulaannissaannut aalajangersakkat erseqqinnerusut aalajangersartassavai, tak. imm. 2.

*Imm. 5.* Transport- aamma bygningsministerip justitsministeri isumaqatigiinniartifigereerlugu aalajangersartassavai erseqqinnerusut timmisartornikkut isumannaallisaanermi immikkut pingaarluinnartunik dronenik minnerusunik qulaatsisinnanermut aalajangersakkat, tassunga ilagitillugit dronenut oqimaassusissamik minnerpaaffissamik ataassisunut, aamma aalajangersakkat inuit ataasiakkaatut eqqissisimanissaannik isumannaarinissamik siunertat.

#### *Illoqarfiit avataanni atuineq*

**§126 d.** Illoqarfiit avataanni dronenik minnermik atuinermi piumasarineqarpoq dronenik ingerlatsisup transport- aamma bygningsministerimut tunniussaasumik allagartartaarsimanissaa, dronenik ingerlatsisooq timmisartuaqqanik piginnittut timmisaartitsisartut suleqatigiiffianni ilaasortaasimangippat. Dronenut allagartaaq politit piumasaqarneratigut takutinneqartassaaq.

*Imm. 2.* Dronenik minnerusunik illoqarfiup avataanni ingerlatsineri piumasarineqarpoq dronenik piginnittup § 130 naapertorlugu sillimmasiissutaateqarnissaa.

*Imm. 3.* Dronenik minnerusunik illoqarfiit avataanni ingerlatsineri piumasarineqarpoq drone suussusersineqassaaq, aamma dronenik piginnittoq Trafik- aamma Byggestyrelsimi nalunaarsimasooq, imaassimangippat ingerlatsineq pisoq timmisartuaqqanik timmisaartitsisarfimmi akuerisaasumi silaannarmilu tamatumunnga atasumik akuerisaasumik pisoq.

*Imm. 4.* Transport- aamma bygningsministerip aalajangersartassavai aalajangersakkat erseqqinnerusut pissutsit imm.. 1-3-mi taaneqartut pillugit, tassunga ilagitillugit dronenut aalajangersakkat allagartartaarnissamut nalunaarsuinissamullu aalajangersakkat.

*Imm. 5.* Transport- aamma bygningsministerip aalajangersarsinnaavai aalajangersakkat erseqqinnerusut illoqarfiup avataanni dronenik minnerusunik ingerlatsinissamut tunngasut, dronenut ilusiligaanera imaluunniit oqimaassusia pissutigalugu timmisartortitsineri isumannaatsuunermik annertunerusumik navianartorsiortitsisinnaappat, taamaallaat pisinnaasooq ingerlatsisooq 16-inik ukioqalereersimappat.

#### *Illoqarfiup iluani ingerlatsineq*

**§ 126 e.** Dronenik minnerusunik ingerlatsineq pisinnaavooq taamaallaat inuussutissarsiutigalugu siunertalinnut, aamma imaassimappat

- 1) Drone-utilik drone-uteqarnissamut uppernarsaammik transport- aamma bygningsministerimit tunniussamik allagartaqartoq,
- 2) ingerlatsisoq 18-inik ukioqalereersimasoq,
- 3) dronemik piginnittoq § 130 naapertorlugu sillimmasersimasoq,
- 4) drone suussusersineqarsinnaassasoq aamma
- 5) drone Trafik- og Byggestyrelsenimi nalunaarsugaq.

2

*Imm. 2.* Drone-uteqarnermut uppernarsaat politiit piumasaqarneratigut takutinneqartassaaq.

*Imm. 3.* Transport- og bygningsministerip imm. 1-imi piumasaqaatinut aalajangersakkat erseqqinnerusut, tassunga ilagitillugu dronemut uppernarsaatip nalunaarsugaanissaa.

*Ingerlatsineq timmisartornikkut isumannaatsuunermik annertunerusumik navianartorsiortitsisinnaasumut attuumassuteqartoq*

**§ 126 f.** Dronemik minnerusunik ingerlatsineq timmisartornikkut isumannaatsuunermik annertunerusumik navianartorsiortitsisinnaanermut attuumassuteqartoq, tassunga ilaatigut ilagitillugu dronemik ingerlatsineq inuit silami katersuusimaffiini, piumasaqaatitaqarpoq transport-og bygningsministerimit akuerineqarsimanissamik.

*Imm. 2.* Transport- og bygningsministerip aalajangersartassavai akuersissuteqarnermut aalajangersakkat erseqqinnerusut aamma timmisartornikkut isumannaatsuunermik annertunerusumik navianartorsiortitsisinnaasumut attuumassuteqartumik ingerlatsinermut.

*Imigassamik, aannngajaarnartunik, nappaammik il.il. sunnersimaneqarluni ingerlatsineq*

**§ 126 g.** Illoqarfiup iluani dronemik minnerusunik ingerlatsineq ingerlatsiniarnerluunniit tamatumunnga tunngasumik § 126 f naapertorlugu

akuersissummik pisimanissamik piumasaqaatilimmi, pisinnaanngilaq ingerlatsisoq ima annertutigisumik imigassartorsimappat, allaat

1) ingerlatsinerup nalaani taassumalu kingorna aamma imigassamik sunnersimaneqarnerup 0,50 promille qaangersimappagu imaluunniit ingerlatsinerup nalaani kingornalu imigassamik sunnersimaneqarnerup silammut anersaarnermi silaannarmi literimut 0,25 mg qaangersimappagu imaluunniit

2) Ingerlatsisup allatigut drone toqqissisi-manartumik ingerlassinnaanngippagu.

*Imm. 2.* § 126 naapertorlugu akuersissummik piumasaqaaq malillugu illoqarfiup iluani dronemik minnerusunik ingerlatsineq ingerlatsiniarnerluunniit pisassanngilaq ingerlatsisup ingerlatsinerup nalaani kingornalu aava aannngajaarnartunik akoqarpat, transport-aamma bygningsministerimit immikkoortulerneqarsimasunik timmisartornikkut isumannaatsuunissamut ulorianartutut, aamma inatsisit malillugit nakorsaatilik allagartaliinerit malillugit iineqarsimangitsunik, iisineq allagarsiusat malillugit pisimanngippat.

*Imm. 3.* illoqarfiup iluani dronemik minnerusunik ingerlatsineq imaluunniit § 126 f malillugu akuersissuteqarnermik ingerlatsiniarneq pisassanngillat dronemik ingerlatsisoq nappaammik pissuteqartumik, nukillaanganermik, ilungersuavallaarnermik, sinnakilliornermik, eqeersaatilik anniarnaveersaatinillunniit assigisaannillunniit ima sunnerneqarsimappat drone naammattumik toqqissisimanartumik ingerlassinnaanagu.

*Imm. 4.* Politiit qanoq ilisukkullunniit piumasarisinnaavaat dronemik minnerusumik ingerlatsisup silammut anersaarnekkut, qisernikkut, aalarluniluunniit anisinikkut misilitsinissaa imaluunniit isimigut misissorneqarnissaa.

*Imm. 5.* Politiit dronemik minnerusumik ingerlatsisoq saqqummiussinnaavaat aammigut quumigullu misissugassanngorlugu ilimagineqarpat pineqartup imm. 1, 2 imaluunniit 3 unioqqutissimagai, imaluunniit pineqartoq silammut anersaarnekkut, qisernikkut, aalarluniluunniit anisinikkut

imaluunniit isinik misissuinikkut  
misilitsinissamut peqataajumasimanngippat.  
Pasinninneq imigassamik sunnertisimanerup  
saniatigut pissutsinik allanik  
attuumassuteqarpat, politiit aamma pineqartoq  
nakorsamut misissugassanngortissinnaavaat.  
Taamattaq ippoq imigassamik  
sunnersimaneqarnemik pasinninneq, pissutsit  
immikkut ittut tamanna pisariaqartilerpasuk.

*Imm. 6.* Justitsministerip aalajangersakkat  
erseqqinnerusut aalajangersarsinnaavai  
misiliinerit misissuinerillu imm. 4-mi aamma 5-  
imi pineqartut pillugit.

*Angallannermut paasisstissiissutit aamma  
ilusilersuineq, atortut aamma aserfallatsaaliuineq*

**§ 126 h.** Transport- og bygningsministerip §§  
126 b – 126 g-mut pissutsit taaneqartut  
saniatigut dronenut minnerusunut teknikikkut  
pissutsit immikkut ittut pillugit  
erseqqinnerusunik aalajangersagaliorsinnaavoq,  
taakkununga ilagitillugit dronenik  
minnerusunik ingerlatsinermut tungasunik  
angallannermut paasisstissiinerit aamma  
ilusiliinerit, atortut aamma aserfallatsaaliuinerit  
pillugit.

*Politiit aamma annaassiniarnissamut  
upalungaarsimaneq*

**§ 126 i.** Transport- aamma bygningsministeri  
illersornissamut ministeri  
isumaqatigiinniaqatigereerlugu  
aalajangersagaliorsinnaavoq dronenut  
minnerusunut, annaassiniarnermut upalungaar-  
simanermut atasumik taakkua atugaaneranni  
pissutsit immikkut ittut pillugit.

*Imm. 2.* Justitsministeri transport- og  
bygningsministeri  
isumaqatigiinniaqatigereerlugu politiit dronenik  
minnerusunik atuinerat pillugu pissutsit  
immikkut ittut pillugit aalajangersaasinnaavoq.

**29.** § 130, *imm. 1, imm. 1-imi* ” § 2 a) ”  
imaalissaaq: ”§ 2, *imm. 1, litra a*”, aamma “ § 2 c ) ”  
“imaalissaaq: “§ 2, *imm. 1, litra c*”.

**30.** § 130, *imm. 1, imm. 2-mi* ”§ 2 c) ” imaalissaaq:  
”§ 2, *imm. 1, litra c*”.

**31.** § 130, *imm. 3-mi* ”§ 2 b) ” imaalissaaq: ”§ 2,  
*imm. 1, litra b*”, aamma ” § 2 c) ” imaalissaaq: ”  
§ 2, *imm. 1, litra c*”.

**32.** § 134, *imm. 1-imi* ” timmisartornikkut pisut ”  
kingorna ivertinneqassaaq:”, tak. § 136.”.

**33.** § 135 imatut oqaasertalerneqarpoq:

”§ 135. Timmisartumik ajunaarneq  
(ajutoorneq), timmisartornikkut pisut  
pissuanartut (pisut pissuanartut) inatsimmi  
matumani paasineqassapput *imm. 2-4-mi*  
nassuiaatit napertorlugit.

*Imm. 2.* Ajutoorneq-mi paasineqassaaq: Pisoq  
timmisartukkut angallassissutip ingerlanneranut  
attuumassuteqartoq, silaannakkut angallassissut  
inuttaqanngitsoq eqqarsaatigalugu pisoq  
piffissami aalajangersimasumi, inuk silaannakkut  
angallassissummut ikisoq timmisartorniarluni,  
allallu tamarmik nioreerneratigut, imaluunniit  
silaannakkut angallassissummut tunngatillugu  
tinginiarluni ingerlanissaminut piareerneratigut,  
aamma timminerup naammassinerani  
uninnerani, aamma ingerlassissut pingaarneq  
qamereertillugu, pisoqartoq:

- 1) inuk aqqunartoq toqussutigisaminik  
imaluunniit annertuumik makkua kingunerannik
  - a) silaannakkut angallassissummiik-  
kami,
  - b) silaannakkut angallassissutip ilaanut,  
ilaannullunniit allanut, silaannakkut  
angallaasissummit kaanngarsimasu-  
nut toqqaannartumik attuumagami,  
imaluunniit
  - c) jetmotorip silaannarmik naqitsinera-  
nit ajoquserneqarami

imaassimanngippat ajoqusernerit pisunik  
nalinginnaasunik peqquteqartut, inummit  
namminermit inunnilluunniit allanit  
pilersitaasunik, imaluunniit ajoqusernerit  
eqqorsimappatigik nalunaarneqaratik ilaasut,  
ilaasut nalinginnaasut aamma inuttaasut  
nalinginnasumik najorsinnaasaata avataani  
toqqoqqasimasut,

2) silaannakkut angallassissut ajoqusersimasoq  
ilusiligaaneremigulluun-niit kukkusaasimasoq,  
ilusiatata patajaan-neranik annikillisisitsumik  
imaluunniit silaannakkut angallassissutip  
pisinnaas-susianik imaluunniit timmissinnaassu-

sianik annikillisitsisumik, aamma nalinginnaasumik pisariaqartitsisussumik annerusumik iluarsaannissaannut ilaanilluunnit kingoraarsersuinissamik, pinngikkaanni motoriata kukkusaanera imaluunniit motoriata ajoqusernera, ajoquserneq motorimut ataatsimut (tassunga ilatigillugit motorip qalliutai atortuulu) killeqarsimappat, sarpiinut, suluusaasa isuinut, antenniinut, malus-sarniutaanut, ventiliinut, assakaasuisa qaavinut, bremsiinut, assakaasuinut, attuunnaveersaatinut, qallersuutinut, as-sakaasunut ammartaatinut, saavani igalaavinut, silaannakkut angallassissutip qallersuutaanut (soorlu singlarnerit ima-luunniit putunerit) imaluunniit sarpiusani kaavittuni ajoqusitsiarnerit, kingornani sarpiusaani, minnermut atortuini kiisalu ajoqusernerit minnerusut soorlu nataqqornanit imaluunniit timmissanik apuinerni (radariata puuani putunerit) imaluunniit

3) Silaannakkut angallassissut tammaaneqarpat nanineqaranilu.

*Imm. 3.* ”pisoq”-tut paasineqassaaq: PISOQARNERA ajutoornerunngitsoq, kisianni silaannakkut angallassissutip ingerlanneranut atasumik pilersoq, ingerlatsinermullu atasumik isumannaatsuunermut sunniuteqartoq imaluunniit sunniuteqarsimasinnaasoq

*Imm. 4.* ”Pisoq ilungersunartoq”-tut paasineqassaaq: PISOQ PISOQARFIUSOQ taakkunatigut ersertumik annertuumik ilimanaateqartoq ajutoornermi, tamannalu attuumassuteqartoq silaannakkut angallassissutip ingerlanneqarneranut, silaannakkut angallassissummi inuttalimmi pilersoq piffissami aalajangersumi inuup silaannakkut angallaasissimmut angalaniarluni ikineraniit, aamma issimasut tamarmik niunerannut, imaluunniit silaannakkut angallassissut inuttanngitsoq pineqartillugu pineqarluni piffissaq aalajangersimasoq silaannakkut angallassissutip timminiaryluni nikeriarneraniit, angalareernikkut uninnerata tungaanut, aamma ingerlatit pingaarnerit unitsillugit qaminneqarnerannut.

**34.** § 136, *imm. 1*, imatut oqaasertalerneqarpoq:

”Ajutoornerit misissuisussaaitat ajutoornerit pisullu makku misissortassavaat:

1) Ajutoornerit silaannakkut inuinnarnut angallassissutit Danmarkimi imaluunniit

naalagaaffinnit allaneersut nalunaarneqarsimasut pineqartillugit, ajutoorneq pippat danskit oqartussaaffiata silaannartaani nunataaniluunniit

2) Ajutoornerit silaannakkut inuinnarnik angallassissutit Danmarkimi nalunaarneqarsimasut akuusimappata, ajutoorneq pisimappat naalagaaffiup oqartussaaffiata avataani imaluunniit silaannartaani nunataaniluunniit, naalagaaffik pineqar-toq misissuissalluni imminut pisussaatis-simanngippat,

3) pisut ilungersunartut silaannakkut inuinnarnik angallassissutit aallarnerminni oqimaassuseq tamakkiisoq 2.250 kg- mik oqimaassuseqarlutik danskit oqar-tussaaffiata silaannartaani nunaaniluunniit issimappata, aamma

4) danskit oqartussaaffiata avataani pisut ilungersunartut silaannakkut inuinnarnik angallassissutit Danmarkimi nalunaarneqarsimasut aallalernerminni 2.250 kg-mik annerpaamik oqimaasusillit akuusimappata, taamaattorli naalagaaffik alla tamatuminnga misissuissasoq isumaqatigiissutaareersimanngippat.”

**35.** § 137, *imm. 1-imi*” pisoq”-p kingornagut ivertinneqassaaq: ”, tak. § 136,”

**36.** § 138, *imm. 1-imi* ”pisoq”-p kingorna ivertinneqassaaq: ”, tak. § 136”.

**37.** § 138, *imm. 2-mi* ”pisoq”-p kingorna ivertinneqassaaq: ”, tak. § 136”.

**38.** § 139, *imm. 1-imi* ”ajutoorneq ”-rup kingorna ivertinneqassaaq: ”, tak. § 136,”

**39.** § 147-p kingorna ivertinneqassaaq:

”§147 a. Timmisartortitseqatigiit aamma mittarfiit silaannakkut angallannermut atugaanerat tamanut ammasut, pisariaqartumik pilersaarusiussapput silaannakkut angallannermi upalungaarsimanissaq pisinnaasullu immikkut ittut allat upalungaarsimaffigisassat qulakkeerniarlugit.

*Imm. 2.* Timmisartortitseqatigiit mittarfillu silaannakkut angallannermut atugaanerat tama-

nut ammasut, pisussaatinneqassapput angallassinnaanermik piginnaassuseq aamma atortulersuutit piareersimatissallugit pisuni imm. 1-imi taaneqartuni tamakkiisumik taarsiivigineqarumaagassatut.

*Imm. 3.* Trafikstyrelsenip pingaarnertut upalungaarsimanissamik sulianik ataqatigiissarineq tamatuminngalu nakkutilliineq isumagissavaa.

*Imm. 4.* Inuit ulupalungaarsimanissami peqataasut Kalaallit Nunaanni Pinerluttulerinermik Inatsimmi §§ 50-54 malillugit akisussasut pisussaapput susassaqqanngitsunut paasisuttisanik mianernartumik, upalungaarsimanermut tunngatillugu sulinerminni paasisimalikkaminnik isertuussissallutik, taamaattoq tak. imm. 5.

*Imm. 5.* Paasisuttissat mianernartut imm. 4-mut ilagitinneqartut, ingerlateqqinneqarsinnaapput nunani allani oqartussaasunut aamma nunani tamalaani suliniaqatigiiffinnut, Danmarkip nunani tamalaani pisussaaffinnut naapertuuppata.

*Imm. 6.* Transportministeri pissutsinut imm. 1 aamma 2-mi taaneqartunut malittarisassanik erseqqinnerusunik aalajangersaasinnaavoq.

40. § 148 imatut oqaasertalerneqarpoq:

” § 148. Trafik- og Byggestyrelsenip silaannakkut inuinnarnik angallassinermut tunngasunik suliassaasa naammassinnaannut akiliutit akitsuutillu akilerneqartassapput imm. 2- 7 naapertorlugit. Akiliummi matuneqartussaapput Trafik-og Byggestyrelsenip silaannakkut inuinnarnik angallassinermik nakkutilliinneranut aningaasartuutit, taassuma ataani peqataasunik, akitsuutinik imm. 2 malillugu akiliisussaangitsunik nakkutilliineq, taakkuli peqataanerat silaannakkut angalasut isumannaatsuunerannut pingaaruteqartumut.

*Imm. 2.* Trafik- og Byggestyrelsenip silaannakkut inuinnarnik angallassinermik nakkutilliinnermi suliasaanut timmisartortitseqatigiit ataatsit ilaasumut timmisartortitseqatigiit angallassaannut ataatsimut akiliutigisarpaat 5,50 kr. Akiliut akilerneqartarpoq ilaasunut silaannakkut angallassissummik, ilaasunut 10 sinnerlugit

amerlassusilinnut atortussatut akuerisaasumut, imalunniit 5.700 kg qaangerlugu aallalernermini oqimaassusilimmut, danskit mittarfiannit, timmisartunut atugaanera tamanut ammaasumit, kisianni tak. imm. 3, aallartumut angalasunut.

*Imm. 3.* Imm. 2-mi akiliut akilerneqartangilaq ilaasunut ukiut 2 inorlugit ukiulinnut, aqqusaartunut aamma ilaasunut allamut nuuttussanut aamma timmisartortitseqatigiiffiup sulisuinut sulinerminnut atasumik angalasunut.

*Imm. 4.* Imm. 2-mi akiliut nalimmassarneqartassaaq ukiumut ataasiarluni nalimmassaanermut procentimik 2 pct.-imik taperlugu ukiumut akileraarfiusumut, tak. akiliutit nalimmassarneqartarnerat pillugu procenti pillugu inatsit, aamma ilanngaatigalugu ilaasut amerleriarnerrannut procenti qaammatini 12-ini piffissani killilikkat marluk akornanni, aallartittartoq qaammatini 36-ni aamma 24-ni aningaasaqarnermut inatsit pineqartoq sioqqullugu. Tamatuma kingorna kisitsit nalimmassarneqassaaq 25 øremut qaninnermut. Transport- og bygningsministerip nalimmasaaneq ukiut tamaasa nalunaarutigisarpaa.

*Imm. 5.* Transport- og bygningsministerip aalajangersartarpei Trafik- og Byggestyrelsenip suliasaanut allanut akiliutissat silaannakkut inuinnarnik angallassinermut tunngasut, tassunga ilagitillugit sulilernerminni nakkutilliineq aamma inatsit manna malillugu pikkorissarnerit imaluunniit silaannakkut angalassinermi ataatsimut inatsisitigut malittarisassat.

*Imm. 6.* Akiliut imm. 2 malillugu akitsuutillu imm. 5 malillugu piffissarititap iluani akilerneqartanngippata, ernialerneqartassapput ernialiisarneq pillugu inatsimmi § 5 naapertorlugu.

*Imm. 7.* Transport- aamma bygningsministeri aalajangersaasinnaavoq akiliisitsiniartarneq pillugu malittarisassanik il.il. imm. 2 malillugu akiligassanik aamma imm. 5 malillugu akitsuutinik, tassunga ilagitillugit akiliinissamik eqqaasitsilluni il.il. ataasiarluni allakkianut akiliutissat.

*Imm. 8.* imm. 2-mi ”danskit” paaasineqassaartaaq isumaqartillugu ”kalaallit”.

41. § 149-mi imm. 16-itut ivertinneqassaaq:

” Imm. 16. Kalaallit Nunaanni pinerluttulerinermik inatsit malillugu pineqaatissiissutigineqarsinnaapput unioqqutitsinerit § 126 c, imm. 1 aamma 2-mik, § 126 d, imm. 1- 3-mik, § 126 e, imm. 1 aamma 2-mik, § 126 f, imm. 1-imik aamma § 126 g, imm. 1-3mik. § 126 g, imm. 1-3-mik unioqqutitsinernik eqqartuussissutini eqqartuussiviup pingaarut una ilanngussinnaavaa, ingerlatsisoq § 126 g, imm. 1-3 siornatigut pineqaatissinneqareersimappat.

42. § 149 a, imm. 1-imut ivertinneqassaaq ”timmisartumik ajutoorneq imaluunniit.” “pingaartumik”.

43. § 150-imi imm. 10-22-tut ivertinneqassaaq:

”Imm. 10. Dronemik minnerusumik ingerlatsisoq dronemik minnerusumik inuussutissarsiutigalugu ingerlatsisinnaanermik, imaluunniit illoqarfiup iluani dronemik minnerusumik ingerlatsisinnaanermik, § 126 f, imm. 1 malillugu akuersissummik piumasaaqateqartumik, pineqaatissiinnngikkallartumik arsaarneqassaaq, imaassimappat

- 1) Ingerlatsisoq § 126 g, imm. 1-imik, imm. 12, nr.1-imut ilagitinneqanngit-sumik unioqqutitsisimasoq,
- 2) Ingerlatsisoq § 126 g, imm. 2, imm. 2-mik unioqqutitsisimasoq imaluunniit § 126 g, imm. 3-mik unioqqutitsisimasoq, imm. 12 nr. 2-miut ilagitinneqanngitsu-mik, imaluunniit
- 3) Dronemik ingerlatsisoq timmisartornermik isumannaatsuunissamik pingaarutilinnik isigimanninnermi unioqqutitsinermut pisuulluni inummik pigisanillunniit ajoqusisimappat navianartorsiortitsisi-mappallunniit.

Imm. 11. Imm. 10 malillugu pineqaatissiinnngikkallartumik arsaarinninneq pisassaaq, pineqartoq ukiuni pingasuni misiligutaasumik ukiuni pingasuni eqqartuussaassasoq dronemik minnerusumik ingerlatsissanngitsaq, dronemillu minnerusumik ingerlatsisinnaaneq arsaarinnissutaassasoq. Pineqaatissiissutaanngitsumik arsaarinninnermi arsaarinninnermik piffissarititaq sivitsorneqassaaq.

Imm. 12. Dronemik minnerusumik ingerlatsisoq inuussutissarsiutigalugu dronemik minnerusumik illoqarfiup iluani ingerlatsisinnaanermik imaluunniit dronemik minnerusumik ingerlatsisinnaanermik arsaarneqassaaq, tamatumani piumasaaqateqartumik § 126 f, imm. 1 malillugu akuersissuteqarnissaa piffissami ukiut 2 aamma 10 akornanni, imaassimappat

- 1) Ingerlatsisoq § 126 g, imm. 1-imik unioqqutitsisimasoq, timminerup nalaani imaluunniit timmereernerup kingorna aammigut 1,20 promille-mik imigassamik sunnersimaneqarsimaguni imaluunniit silammut anersaarnikkut literimut silaannarmi 0,60 mg-imik sunnertisimasimaguni.

- 2) ingerlatsisoq pisuusimasoq § 126 g, imm. 2-mi oqaaseqatigiit siullianni imaluunniit § 126 g, imm. 3-mik pisuni sakkortunerusuni unioqqutitsinerni,
- 3) ingerlatsisoq piaaraluni inummik allamik pigisamillunniit ajoqusisimasoq, piaaraluni tamatumuuna navialeratarsinnaasumik mianersuaatsumik drone ingerlatillugu,
- 4) ingerlatsisoq pisuni arlalinni pisuusimasoq tamarnik immikkut imm. 10-mi pineqartunik,
- 5) ingerlatsisoq siornatigut pineqaatissiinnngikkallartumik dronemik minnerusumik ingerlatsisinnaanermik arsaarneqarsimasoq misiligaanerminilu imm. 10-mut tunngasumik unioqqutitsisimasoq imaluunniit

- 6) ingerlatsisoq siornatigut pineqaatissiinnngikkallartumik dronemik minnerusumik ingerlatsisinnaanermik arsaarneqarsimasoq nutaamillu unioqqutitsilluni nr. 1- 3-mut tungasunik imaluunniit imm. 10-mut tunngasunik, misiligaanermini ukiut 2 naatinnagit unioqqutitseqqilluni,

Imm. 13. Immikkut qajassuussisinnaanermik pisuni pineqaatissiinnngikkallartumik arsaarinnittoqarsinnaavoq, tamatumani imm. 12 malillugu pineqaatissiinnngikkallartumik arsaarinninneq pisinnaalluni.

Imm. 14. Trafik- aamma Byggestyrelsenip nalilersimappagu, dronemik minnerusumik ingerlatsisinnaanermik § 126 f, imm. 1 malillugu akuersissummik piumasaaqatitalimmik pineqaatissiinnermik arsaarinninnermik



pineqaatissiineqartillugu, Trafik- aamma Byggestyrelsenip utaqquisaasumik dronemik ingerlatsisinnaaneq, imaluunniit § 126 f, imm. 1 malillugu akuersissuteqarnermik piumasaaqatitalik unitsissinnaavaa. Trafik- og Byggestyrelsenip tamatumunnga tunngatillugu ingerlatsisoq ilitersussavaa misileraasinnaanermut tunngasunik, ta. imm. 15.

*Imm. 15.* Dronemik minnerusumik ingerlatsisinnaasup imaluunniit dronemik minnerusumik § 126 f, imm. 1 malillugu akuersissummik peqartarialimmik arsaarallarneqarsimasup piumasarisinnaavaa arsaarinnissut eqqartuussisutigut nalilersussallugu. Eqqartuussiviup arsaarinnissut eqqartuussisutikkut aalajangersassavaa.

*Imm. 16.* Piffissaq dronemik minnerusumik ingerlatsisinnaanermik imaluunniit § 126 f, imm. 1 malillugu akuersissummik peqarluni ingerlatsisinnaanerup arsaarinnissutigisimanera pisinnaajunnaarsitaanermut ilanngaatigineqassapput.

*Imm. 17.* Eqqartuussisutip piumasaaqatitaqanngitsumik arsaarinnissummik ingerlatitseqqinneq dronemik minnerusumik ingerlatitsisinnaanermik imaluunniit § 126 f imm. 1 malillugu akuersissummik peqarluni ingerlatitsisinnaanermik arsaarneqarneq imm. 14 malillugu pisimappat, arsaarinninnermik eqqartuussisutip aalajangersarneranut kinguartitsinermik kinguneqarsinnaanngilaq, allatigut illoqarfimmi eqqartussivimmi allatut aalajangiineqarsimannippat. Pisuni allani eqqartuussiviup unnerluussisussaasumit noqqaassut malillugu eqqartuussutikkut alajangersarsinnaavaa suliassangortitsineq kinguartitsinermik kinguneqassanngitsoq.

*Imm. 18.* Dronemik minnerusumik ingerlatsisinnaaneq imaluunniit § 126 f, imm. 1 malillugu akuersissummik peqarluni ingerlatsisinnaaneq imm. 14 malillugu arsaarinnissuteqarneq suliassami arsaarinninnermik pinngitsuuisitsinermik aalajangiivigineqarsimappat, imaluunniit arsaarinninneq pineqaatissiinngikkallarnerusimappat, dronemut allagartaq imalunniit § 126 f, imm. 1 malillugu

akuersissut utertinneqassaaq, naak eqqartuussut suliassaanngorteqqinneqaraluarpalluunniit.

*Imm. 19.* Dronemik minnerusumik ingerlatsisinnaaneq imaluunniit § 126 f, imm. 1 malillugu akuersissummik peqarluni ingerlatsisinnaaneq inatsit manna malillugu arsaarinnissutigineqarsimappat ukiut pingasut sinnerlugit atuuttumik, pisaaqqissinnaanermik apeqqut arsaarinnissummi piffissarititaaq naatinnagu eqqartuussisunut ingerlatinneqassaaq. Tunniussineq pinerluttulerinermik inatsimmi § 164, imm. 3 malillugu malittarisassat malillugit pissaq, aamma siusinnerpaamik arsaarinninnermit ukiut pingasut qaangiutereersimappata. Akuersissut tunniunneqarsinnaavoq taamaallaat pissutsit immikkut ittut pisimappata.

Ingerlatsisinnaanermik akuersissut sionatigut pineqartumik piumasaaqatitaqanngitsumik arsaarinninnikkut, dronemik minnerusumik ingerlatsisinnaanermik imaluunniit § 126 f, imm. 1 malillugu akuersissummik peqarluni ingerlatsisinnaanermik akuersissummik nuutitsineq piffissap arsaarinniffiusup naannginnerani immikkorpiaq ittumik pisinnaavoq, tunniussinerlu siusinnerpaamik pisinnaavoq arsaagaanermiit piffissami ukiut arfinillit ingerlareersimalerpata.

*Imm. 20.* Piffissap aarsaagaaffiusup naannginnerani dronemik minnerusumik ingerlatsisinnaanermik imaluunniit § 126 f imm. 1 malillugu akuersissummik peqarluni dronemik minnerusumik ingerlatsisinnaanermik nutaamik arsaagaasimagaani, imm. 19-imi eqqartuussisunut eqqartuussummit kingullermiit tunniusseqqissinnaanermik piffissamat killigitat naatsorsorneqassapput eqqartuussummit kingullermit pineqartup arsaagaaffianiit.

*Imm. 21.* Kalaallit Nunaanni eqqartuussisarneq pillugu inatsimmi kapitali 42 atuutissaaq arsaagaasimanermut imaluunniit dronemik minnerusumik ingerlatsisinnaanermik dronemilluunniit § 126 f. imm. 1 malillugu akuersissummik peqarluni ingerlatsisinnaanermik arsaagasimanermik taarsivigineqarnissamik piumasaaqarnermut, pillarneqanermik malersorneqarnermut.

*Imm. 22. § 150, imm. 1-9, aamma §§ 150 a – 150 d* atuutissanngillat inuussutissarsuutigalugu dronemik illoqarfiup iluani ingerlatsisinnaanermik imaluunniit § 126 f, imm. 1 malillugu akuersissuteqarluni dronemik minnerusumik ingerlatsisinnaanermik arsaarinninnermi.”

**44. § 150 e, imm. 1** imatut oqaasertaligaavoq: ”Transportministerip inatsimmi matumani tamannalu tunngavigalugu malittarisassani aalajangersarneqarsimasuni aalajangersakkanik malinninnerup nakkutigissavaa. Ministeri tamatuma ataani inerteqquteqarsinnaassuteqarlunilu peqqussuteqarsinnaavoq timmisartornermi isumannaallisaanermut annertuumik navialisoqaratarsinnaaneranik pinngitsuuinissamik pisariaqartitaasutut naliligaasunik. Ministerip aamma peqqusissutigisinnavaa pissutsit tamanna malillugu aalajangersarneqarsimasut pinasuartumik aaqqiivigineqassasut imaluunniit erseqqinnerusumik piffissaliussap iluani.”

**45. Ilaliussaq 1, § 90, imm. 1-imi**, ”miit silaannakkut angallassissummik Danmarkimiit Danmarkimullu” imaalissaaq: ” Danmarkip allallu akornanni silaannakkut angallassissutinik”.

## § 2

Silaannakkut angallassissutinik ingerlatsisinnaanermut akuersissutinik nalunaarsuineq pillugu inatsimmi, Kalaallit Nunaanni atortuulersinneqartumi, tak. inatsisinut nalunaarut nr. 620 septembarip 15-ianni 1986-imeersoq, allannngortinneqartoq inatsit nr. 396 13. juni 1990-imi § 14-ikkut, inatsisikkut nr. 1088 decembarip 23-anni 1992-ikkut aamma inatsimmi nr. 1082-imi decembarip 20-anni 1995-imeersumi § 13-ikkut allannngortinneqartumi, allannnguutit makku ivertinneqassapput:

**1. § 1, imm. 1, § 7, § 8, imm. 1 aamma § 11, imm. 1-imi** ”Statens Luftfartsvæsen” imaalissaaq: ”Trafikstyrelsen”.

**2. § 9, imm. 2-mi** ”Statens Luftfartsvæsen” imaalissaaq: ”Trafikstyrelsen”.

**3. Piffinni marlunni § 16, aamma § 31-mi** ”Trafikministeren” imaalissaaq: ”Transportministeren”.

**4. § 18-imi** ”Statens Luftfartsvæsen” imaalissaaq: ”Trafikstyrelsen” piffinnilu marlunni ”luftfartsvæsenets” imaalissaaq: ”Trafikstyrelsenip”

## § 3

*Imm. 1.* Peqqussut atuutilerpoq januaarip 1.-anni 2018, kisianni tak. imm. 2.

*Imm. 2.* Transport-, bygnings- aamma boligministerip aalajangersassavaa peqqussummi § 1, nr. 28, 41 aamma 43-atuutilerfissaat. Ministerip aamma aalajangersarsinnaavaa normut assigiinngitsut taakku piffissani assigiinngitsuni atuutilissasut.

*Imm. 3.* Ukiumoortumik akileraarutit akiliutillu silaannakkut angallassinermik inatsimmi § 148, imm. 1, nr. 2, imm. 2, nr. 2, imm. 3, nr. 2, imm. 4, nr. 2, imm. 5 aamma imm. 6 aamma malittarisassat silaannakkut angallassinermik inatsimmi § 148, imm. 8-mi aalajangersarneqartut aalajangersakkat maannamut atuuttut malillugit aalajangersarneqartut taarsiivigineqassapput, pineqartillugit ukiumoortumik akileraarutit aamma ukiumoortumik akiliutinut piffissat killilikkat inatsisip atuuffia qaangerlugu atortitaasut. Taarsiinissaaq pillugu Trafik-, Bygge- aamma Boligstyrelsen aalajangersaasinnaavoq malittarisassanik erseqqinnerusunik tamatumunnga tunngasunik.

*Tunniunneqartoq Christiansborg Slotimi*

Kunngiussutsitsinnik Atsiornitsigut Naqissusiillutalu

MARGRETHE R.

/ Ole Birk Olesen

- 
- 1) Aalajangersagaq ima oqaasertaqarpoq: ”§ 3. Inatsit Savalimmiuni Kalaallit Nunaannilu atuutinngilaq, kisianni tamakkiisumik ilaannakortumilluunniit kunngip peqqussutaatigut atortulersineqarsinnaavoq allannguutit Kalaallit Nunaanni Savalimmiunilu pissutsit pisariaqartitaat naapertorlugit.”
- 2) Aalajangersagaq ima oqaasertaqarpoq: ”§ 3 Inatsit Savalimmiuni Kalaallit Nunannilu atuutinngilaq, kisianni tamakkiisumik ilaannakortumilluunniit kunngip peqqussutaatigut atortulersinneqarsinnaavoq allannguutit Kalaallit Nunaanni Savalimmiunilu pissutsit pisariaqartitaat naapertorlugit.”
- 4) Aalajangersagaq ima oqaasertaqarpoq: ”§ 4 Inatsit Savalimmiuni Kalaallit Nunannilu atuutinngilaq, kisianni tamakkiisumik ilaannakortumilluunniit kunngip peqqussutaatigut atortulersinneqarsinnaavoq allannguutit Kalaallit Nunaanni Savalimmiunilu pissutsit pisariaqartitaat naapertorlugit.”
- 4) Aalajangersagaq ima oqaasertaqarpoq: ”§ 3 Inatsit Savalimmiuni Kalaallit Nunannilu atuutinngilaq, kisianni tamakkiisumik ilaannakortumilluunniit kunngip peqqussutaatigut atortulersinneqarsinnaavoq allannguutit Kalaallit Nunaanni Savalimmiunilu pissutsit pisariaqartitaat naapertorlugit.”
- .